

Rekstarleyfi fyrir sameinaða leikskólann Fossakot og Korpukot

Með vísun til 25. gr. laga nr. 90/2008 um leikskóla og reglur Reykjavíkurborgar um leyfi til reksturs leikskóla veitir skóla- og frístundaráð Reykjavíkurborgar hér með LFA ehf. kt. 5901042720 leyfi til að reka sameinaða leikskóla Fossakots og Korpukots.

Fyrir liggja teikningar af húsnæði leikskólans Fossaleyni 4 og Fossaleyni 12 í Reykjavík. Veitt er heimild til að reka leikskóla að staðaldri, í húsnæðinu að Fossaleyni 4 fyrir allt að 80 börnum á aldrinum 12 mánaða til 6 ára, þar af 17 börn á aldrinum 12-18 mánaða og í húsnæðinu að Fossaleyni 12 fyrir allt að 100 börnum á aldrinum 12 mánaða til 6 ára, þar af 38 börn á aldrinum 12-18 mánaða.

Vottorð liggur fyrir frá heilbrigðiseftirliti Reykjavíkur um að húsnæðið uppfylli þær kröfur sem gerðar eru til starfseminnar.

Við leikskólann skal starfa leikskólastjóri, sem hefur starfsheitið leikskólakennari og hefur annað hvort viðbótarmenntun í stjórnun eða kennslureynslu á leikskólastigi.

Við ráðningu annarra starfsmanna leikskólans skal gætt ákvæða laga nr. 95/2019 um menntun, hæfni og ráðningu kennara og skólastjórnaenda í leikskóla, grunnskóla og framhaldsskóla, um að í 2/3 hluta stöðugilda við kennslu, umönnun og uppeldi barna séu ráðnir leikskólakennarar.

Rekstraraðila ber að láta alla starfsmenn leikskólans undirrita yfirlýsingu um að þeir muni gæta þagmælsku um hagi barna og foreldra þeirra sem þeir fá vitneskju um í starfi sínu og leynt skulu fara samkvæmt lögum, fyrirmælum yfirmanna þeirra og eðli máls.

Austurmiðstöð - Grafarvogur veitir leikskólanum sérfræðipjónustu, sbr. reglugerð nr. 584/2010 með síðari breytingum, um sérfræðipjónustu leik- og grunnskóla.

Leikskólastjóra er skylt að endurskoða skólanámskrá reglulega og leggja hana fyrir skóla- og frístundaráð til staðfestingar. Skólanámskrá leikskólans er frá árinu 2014.

Starfsáætlun ber að skila árlega samkvæmt nánari ákvörðun skóla- og frístundaráðs.

Leikskólanum er skylt að meta með reglubundnum hætti gæði leikskólastarfsins á grundvelli 17. gr. laga nr. 90/2008 um leikskóla og reglugerð nr. 893/2009 um mat og eftirlit í leikskólum og eftirlitsskyldur sveitarstjórna um skólahald. Upplýsingar um matið ber leikskólanum að birta opinberlega ásamt tengslum þess við skólanámskrá og áætlanir um umbætur.

Skóla- og frístundasvið Reykjavíkurborgar framkvæmir ytra mat og hefur eftirlit með leikskólanum. Ber leikskólanum að láta skóla- og frístundasviði í té gögn um innra mat sitt ásamt öðrum upplýsingum sem eru nauðsynlegar vegna ytra mats og eftirlits.

Uppfylli leikskólinn ekki ofangreind skilyrði getur skóla- og frístundaráð afturkallað rekstrarleyfið, ef rekstraraðili bregst ekki við athugasemdum innan tilskilins frests. Rekstrarleyfi tekur gildi 1. september 2022 og frá sama tíma fellur úr gildi rekstrarleyfi útgefið, dags. 26. ágúst 2015.

Reykjavík, xx. ágúst 2022

Drög að rekstrarleyfi

Helgi Grímsson, sviðsstjóri skóla- og frístundasviðs Reykjavíkurborgar

DRÖG



Reykjavík, 5. júlí 2022
SFS22070011
236. fundur
HG/óbbb/gs

MINNISBLAÐ

Viðtakandi: Skóla- og frístundaráð

Sendandi: Helgi Grímsson, sviðsstjóri skóla- og frístundasviðs

Efni: Umsókn LFA ehf. um breytt rekstrarleyfi vegna leikskólanna Fossakots og Korpukots

Þann 11. janúar 2022 barst umsókn frá LFA, kt. 590104-2720, vegna sjálfstætt starfandi sameinuðu leikskólanna Fossakots og Korpukots, Fossaleyni 4 og 12 í Reykjavík, um opnun ungabarnadeildar á leikskólanum Fossakoti og tveggja ungabarnadeilda á leikskólanum Korpukoti. Fram kemur í umsókninni að ástæða beiðinnar séu rekstrarlegs eðlis auk þess með þessu móti geti leikskólinn tekið inn yngri börn en nú er.

Umsókn leikskólans um breytingu á rekstrarleyfi til samræmis við framangreint barst þann 29. júní 2022.

Umsögn foreldraráðs leikskólanna Fossakots og Korpukots, vegna mögulegrar innritunar 12-18 mánaða barna, dags. 27. júní 2022, liggur fyrir. Í umsögninni kemur meðal annars fram að foreldraráð styðji tillögu þess efnis að fjölga ungabarnadeildum leikskólans.

Samkvæmt rekstarleyfi, dags. 26. ágúst 2015, hefur leikskólinn heimild til að reka leikskóla fyrir allt að 80 börn á aldrinum 18 mánaða til 6 ára í húsnæðinu að Fossaleyni 4 og í húsnæðinu að Fossaleyni 12 fyrir allt að 100 börn á aldrinum 18 mánaða til 6 ára.

Samkvæmt skráningu í Völu þann 24. ágúst 2022 eru 41 reykvískt barn skráð í vistun í leikskólanum Fossakoti, og 51 reykvískt barn í Korpukoti.

Á fundi skóla- og frístundaráðs þann 11. desember 2018 og í borgarráði þann 10. janúar 2019 var samþykkt tillaga varðandi ungabarnadeildir í sjálfstætt reknum leikskólum: https://fundur.reykjavik.is/sites/default/files/agenda-items/44_sfs_ungbarnadeildir.pdf

Umbeðin breyting uppfyllir það skilyrði framangreindrar samþykktrar tillögu að nýting á plássum samkvæmt rekstrarleyfi eykst að lágmarki um sem nemur 2/3 þeirra barna sem áætluð eru á ungabarnadeildina.

Af hálfu skóla- og frístundasviðs er ekki gerð athugasemd við að rekstrarleyfi verði breytt með þeim hætti að heimilt verði að vera með 80 börn á aldrinum 12 mánaða til sex ára þar af 17 börn á aldrinum 12-18 mánaða í húsnæðinu að Fossaleyni 4, Reykjavík. Þá er ekki gerð athugasemd við að breyta rekstrarleyfinu einnig þannig að heimilt yrði að vera með 100 börn á aldrinum 12 mánaða til sex ára, þar af 38 börn á aldrinum 12-18 mánaða í húsnæðinu að Fossaleyni 12. Lagt er til að nýtt rekstrarleyfi taki gildi 1. september 2022 og á sama tíma falli úr gildi rekstrarleyfi vegna leikskólans, dags. 26. ágúst 2015.

Tekið er fram að samþykkt rekstrarleyfis felur ekki í sér vilyrði fyrir greiðslu framlags vistunar reykvískra barna í leikskólanum og gera þarf sérstakan samning um framlag.

Rekstrarleyfi fyrir sameinaðan leikskóla Fossakot og Korpukot

Með vísun til 25. gr. laga nr. 90/2008 um leikskóla og reglur Reykjavíkurborgar um leyfi til reksturs leikskóla veitir skóla- og frístundaráð Reykjavíkurborgar hér með LFA ehf kt. 590104-2720 leyfi til að reka sameinaðan leikskóla Fossakots og Korpukots.

Fyrir liggja teikningar af húsnæði leikskólans við Fossaleyni 4 og Fossaleyni 12 í Reykjavík. Veitt er heimild til að reka leikskóla að staðaldri, í húsnæðinu að Fossaleyni 4 fyrir allt að 80 börnum á aldrinum 18 mánaða til 6 ára, og í húsnæðinu að Fossaleyni 12 fyrir allt að 100 börnum á aldrinum 18 mánaða til 6 ára.

Vottorð liggur fyrir frá Vinnueftirliti ríkisins og heilbrigðiseftirliti Reykjavíkur um að húsnæðið uppfylli þær kröfur sem gerðar eru til starfseminnar.

Við leikskólann skal starfa leikskólastjóri, sem hefur starfsheitið leikskólakennari og hefur annað hvort viðbótarmenntun í stjórnun eða kennslureynslu á leikskólastigi.

Við ráðningu annarra starfsmanna leikskólans skal gætt ákvæða laga nr. 87/2008 um að í 2/3 hluta stöðugilda við kennslu, umönnun og uppeldi barna séu ráðnir leikskólakennarar.

Rekstraraðila ber að láta alla starfsmenn leikskólans undirrita yfirlýsingu um að þeir muni gæta þagmælsku um hagi barna og foreldra þeirra sem þeir fá vitneskju um í starfi sínu og leynt skulu fara samkvæmt lögum, fyrirmælum yfirmanna þeirra og eðli máls.

Þjónustumiðstöð Grafarvogs og Kjalarnes veitir leikskólanum sérfræðiþjónustu, sbr. reglugerð nr. 584/2010, um sérfræðiþjónustu leik- og grunnskóla.

Leikskólastjóra er skylt að endurskoða skólanámskrána reglulega og leggja hana fyrir menntaráð til staðfestingar. Skólanámskrá leikskólans er frá árinu 2014.

Starfsáætlun ber að skila árlega samkvæmt nánari ákvörðun skóla- og frístundaráðs.

Leikskólanum er skylt að meta með reglubundnum hætti gæði leikskólastarfsins á grundvelli 17. gr. laga nr. 90/2008 um leikskóla og reglugerð nr. 893/2009 um mat og eftirlit í leikskólum og eftirlitsskyldur sveitarstjórna um skólalald. Upplýsingar um matið ber leikskólanum að birta opinberlega ásamt tengslum þess við skólanámskrá og áætlanir um umbætur.

Við leikskólann skal starfa eitt foreldraráð í samræmi við 11. grein laga um leikskóla nr. 90/2008.

Skóla- og frístundasvið Reykjavíkurborgar framkvæmir ytra mat og hefur eftirlit með leikskólanum. Ber leikskólanum að láta skóla- og frístundasviði í té gögn um innra mat sitt ásamt öðrum upplýsingum sem eru nauðsynlegar vegna ytra mats og eftirlits.

Uppfylli leikskólinn ekki ofangreind skilyrði getur skóla- og frístundaráð afturkallað rekstrarleyfið, ef rekstraraðili bregst ekki við athugasemdum innan tilskilins frests.

Reykjavík, 26. ágúst 2015

Ragnar Þorsteinsson, sviðsstjóri skóla- og frístundasviðs Reykjavíkurborgar.


Á fundi foreldraráðs þann 23. júní 2022 voru áform leikskólans um fjölgun ungbarnadeilda borin undir foreldraráð og óskað eftir umsögn þess efnis í kjölfarið.

“Mikil ánægja er meðal foreldra með núverandi stjórnun og rekstur leikskólans sem hefur staðið sig með mikilli þrýði í gegnum þessa erfiðu covid tíma og mætt foreldrum og börnum með hlýjum anda og persónulegum samskiptum.


Foreldraráð ber fullt traust til stjórnenda leikskólans þegar kemur að því að útvíkka starfsemi leikskólans og þ.a.l mæta eftirspurn.

Foreldraráð styður tillögu þess efnis að fjölga ungbarnadeildum leikskólans”


Reykjavík 27. júní 2022



Ásdís Erna Guðmundsdóttir



Jóhannes Jóhannesson



Marey Sif Björgvinsdóttir

Reglur

Reykjavíkurborgar um leyfi til reksturs leikskóla.

1. gr.

Leikskólaráð Reykjavíkurborgar getur veitt sjálfseignarstofnunum, hlutafélögum og öðrum aðilum sem reka fyrirtæki samkvæmt öðru viðurkenndu rekstrarformi heimild til að byggja og / eða reka leikskóla í Reykjavík. Um slíka leikskóla gilda ákvæði laga um leikskóla nr. 90/2008 eftir því sem við á.

Umsókn skal fylgja staðfesting á rekstrarformi og samþykktir félagsins.

2. gr.

Heimilt er að binda leyfi við hámarks fjölda barna. Ákvörðun um fjölda barna skal m.a. byggð á eftirfarandi þáttum:

- Húsnæði og lóð sem fyrirhugað er að nota fyrir leikskóla skal taka mið af þörfum barna og þeirri starfsemi sem fram fer í leikskóla. Lögð er áhersla á öruggt og rúmgott náms- og starfsumhverfi. Gert skal sérstaklega ráð fyrir rými fyrir sérfræðipjónustu vegna barna með sérþarfir og vinnuaðstöðu starfsfólks.
- Aldursdreifingu barna og sérþörfum þeirra.
- Lengd dvalartíma.
- Fjölda starfsmanna og samsetningu starfsmannhópsins.

Umsókn þurfa að fylgja upplýsingar um húsnæði sem fyrirhugað er að nota fyrir leikskólann ásamt málsettum teikningum af húsi og lóð, vottorði Vinnueftirlits ríkisins og heilbrigðiseftirlits Reykjavíkurborgar. Einnig þurfa að fylgja umsókn upplýsingar um fyrirhugaða starfsemi leikskólans sérstaklega með hliðsjón af því hvernig aldursdreifingu barna verður háttað og hversu mörg börn með sérþarfir leikskólinn getur tekið á móti, hvað boðið verður upp á langan dvalartíma og hvernig samsetning starfsmannahópsins verður.

3. gr.

Við leikskóla skal starfa leikskólastjóri sem hefur starfsheitið leikskólakennari og hefur annað hvort viðbótarmenntun í stjórnun eða kennslureynslu á leikskólastigi.

Við ráðningu annarra starfsmanna leikskólans skal gætt ákvæða laga nr. 87/2008 um að í 2/3 hluta stöðugilda við kennslu, umönnun og uppeldi barna séu ráðnir leikskólakennarar.

Rekstraraðila ber að láta alla starfsmenn leikskólans undirrita yfirlýsingu um að þeir muni gæta þagmælsku um hagi barna og foreldra þeirra sem þeir fá vitneskju um í starfi sínu og leynt skulu fara samkvæmt lögum, fyrirmælum yfirmanna þeirra og eðli máls

4. gr.

Umsækjandi skal gera grein fyrir því í umsókn sinni hvernig hann hyggst skipuleggja og framkvæma þjónustu við börn með sérþarfir.

5. gr.

Þegar sótt er um leyfi til reksturs leikskóla skal liggja fyrir skólanámskrá væntanlegs leikskóla, sem felur í sér uppeldis- og námsáætlun leikskólans, markmiðssetningu í starfi og leiðir til að ná þeim markmiðum.

Áður en leikskólinn tekur til starfa ber að skila til leikskólaráðs starfsáætlun, þar sem gerð er grein fyrir árlegri starfsemi leikskólans, svo sem skóladagatali og öðru sem varðar starfsemi leikskólans. Starfsáætlun á að skila árlega samkvæmt nánari ákvörðun leikskólaráðs.

Leikskólinn skal leggja fram áætlun um hvernig brugðist skuli við þegar slys og óhöpp verða.

6. gr.

Leikskóla sem fengið hefur rekstrarleyfi er skylt að meta með reglubundnum hætti gæði leikskólastarfsins. Upplýsingar um matið ber leikskólanum að birta opinberlega ásamt tengslum þess við skólanámskrá og áætlanir um umbætur.

Leikskólasvið Reykjavíkurborgar framkvæmir ytra mat og hefur eftirlit með sjálfstætt reknum leikskólum. Ber leikskólunum að láta Leikskólasviði í té gögn um innra mat sitt ásamt öðrum upplýsingum sem eru nauðsynlegar vegna ytra mats og eftirlits.

Samþykkt í leikskólaráði

26. nóvember 2008